



2023-mut aningaasanut Inatsisissartut siunnersuut.

(Aningaasaqarnermut, Naligiisitaanermullu Naalakkersuisoq)

Naalakkersuisut 2023-mut Inatsisartut aningaasanut inatsisissatut siunnersuutaannut Naleraq sinner-lugu nalilersuilluareerluta imatut oqaaseqarfingissuarput.

Inatsisartut aningaasanut inatsisissaattut siunnersuut maannakkut Naalakkersuisooqatigiinnit saqqummiunneqartoq allannguinermik nutaaliornermik alloriaqqinnissamik imaqanngilaq.

Tasiilami imermut nukissiuuteqarneq Naleqqamiit alleqququtigisatituut misissuerernerpassuit inger-lanneqareersimasut qaavatigut aatsaat misissueqqeqqaarlutik aatsaat aaliangiiffiginarpaaanngooq. Tamanna Naleqqamiit uggoresaarput tassami nalunngilarput nukissiuutaat inorsartoq allaat qamit-toortaarlutik inisisimasut taamaammalu kinguarsaqqinnagut 55 mio. Kr. Aningaasaliissutaa-sariaqartoq misissuisimaneq aallaavigalugu tamannalu nunatta karsianiit piaartumik aningaasaliiffigisariaqarluinnartoq Naleqqamiit isumarpot aaliangiusimavarput.

Inatsiartut aaliangerput Tasiilami efterskoliliortoqassasoq, taamatut aaliangersimaneq naak? Sooruna pilersaarusiorniarneqarnianngittooq, sooruna kinguarsarneqaqqittut, Tasiilamut pisariaqartitseqi-sumut qinersivimmi uani susoqanngitsooqqilerpa?

Aningaasaqarnermut akileraartarnermullu Maniitsumut nunaqarfiinullu angalanitsinni takuarput il-loqarfiit akunnattuni inisisimaneq imaanngitsumik killiffiusimasoq taamatullu pisortat aki-sussaffigalugit ingerlataat akuerineqarsinnaanngilluinnartumik killiffeqartut.

Efterskole ullutsinnut naleqqukkunnaarluni nutaanngippallaalersimasoq takuarput inuuusuttut taamatullu sulisunut piumassueqarluinnartunut tunniussaqarusungaartunut avatangiisit ajorlu-innarput blockersuaq atuartut ineqarfingisaat silataani iigaat katagalersut asbesteqarlutik asbestitaat ersiinnalersimasut takutinneqarput. Init silaannarissarfeqarneratigut aaqqiiniarnerit ajornartorsiutaapput taamatullu sulisut suliffii suliffigisallugit naleqqukkunnaarsimasut avatangiiseraat.



Efterskole pilersinneqarsimasoq aammalu inuusuttunik suliuniuteqarluartut atugaat ukiorpassuarni tusaaniarneqarsimannginnerat paasillugu tupallannaanaranari tupinnarluinnartuuvoq Neriuppunga Naalakkersuisut paasisartik maannakkut annuttaagarpit pillugu qanoq iliuuseqarnissamik pilersaarusiussasut ilumoorsinnaanngilarmi ullutsinnut naleqqutinngitsumik inisisimaneq ingerlaqqiinnassassoq qanoq iliuuseqartariaqarpoq tamannalu sakkortuumik kaammattuuterput neripugut piaartumik qanoq iliuuseqarfingineqassasoq.

Atuarfiit kommunit kommuninut akisussaaffigisassanngorlugit tunioraanneqarnikuupput ukiorpas-suit sumiginnarneqarsimasut amigartumik aserfallatsaalineqarsimasut kommuninut tunniunne-qaannarsimasut kingunipilui maannakkut kommunit ilungersuutigaat taamaammallu meeqqat inuusuttullu taamatullu minmerunngitsumik sulisut pitsasumik avatangiiseqarlutik ingerlatsis-sappata avaqqunneqarsinnaanngilaq qitiusumiit kommunit suleqatigalugit aningaasaleeqataanikkut aaqqiiniarnissaanut Naalakkersuisut peqataanissaat.

Ukiorpassuanngortuni maannakkut ineqarnikkut aaqqiiniarneq misissuinerpassuarnik inger-latsiffiusimalluni imaqrtoq aningaasarpassuit atorlugit nalilersuisimanerit takutippaat ininut aserfallatsaaliiinerit kinguaattoorneri 2025-imi 3 milliard-it koruunit angussagaat.

Inissiat taakku aserfallassimaqisut kommuninut tunniunneqarniarsarineqaannarnerat aserfallatsaalii-inissamut aningaasartaat peqataatinngagit kommuninut imaannaanngitsorujussuarmik kingune-qarsinnaanerat aarlerinartorujussuuvvoq.

Namminersorlutik Oqartussat inissiaataat 6000 missaaniittut tunniunniarneqarput taakkunanilu kisitsisit saqqummiunneqartartut misissuisarneranni takutippaat inissiat 1960-1970-ikkunni amer-lanerit sanaajusimasuni 200-ut sinnerlugit taamaallat aserfallatsaalineqarsimallutik pitsasumik inis-simasut sinnerit tamarmik annertuumik ullutsinnut naleqqussarlugit nutartertariaqarluinnartut utaqeqqissinnaanngitsumik ajoraluartumillu ilia aserfallatsaalineqartannginnertik peqqutigalugu isatiinnagassanngorsimasut iluarsartuunnissaat akilersinnaajunnaarsimammat. Illut taamaattut ila kommuninut tunniunneqaaannarsinnaanngillat.

Maannakkut aningaasaliissutigsartakkagut inissiat aserfallatsaalineranut annikippallaaruujussuarput, tamanna aningorniarlugu aningaasaliisoqartarnissaa Naalakkersuisooqataanitsinni pingaartillugu pi-umasaqaateqarfingisatta pingaarnersaat ilaattut isigalugit maannakkummi ukioq mannamut



aninggaasalissutigut 141 mio kr-iusut naammanngilluinnaqqissaartut kialluunniit malinnaasup ta-kusinnaavaa qanoq iliuuseqarfisariaqarparput kinguarsarneqaqqiinnartorpassuit ilaat tamanna aningorniarlugu qanoq iliuuseqarfisariaqarluinnarpoq.

Tamannalu pillugu Naleraq aninggaasanut inatsisisamut peqataatinniarneqassagutta aningaasaliiner-soqarnissaanik isumaqatigiinniuteqassagatta qularutigineqassanngilaq.

Pisortat inissaataannik aserfallatsaaliinissaq ullut tamaasa 500.000 kr-inik qaffakkiartuinnavipput taannalu ukiumut qaffariaat 182,5 mio kr-iusoq ukiumut aningaasaliissutaasartunut naleqqussar-neqanngippat meeqlaat inuuusuttullu kingornussassaanik taamatut akisussaassuseqanngitsumik ingerlatsineq qaanelugu aaqqiiniartariaqalerpugut uagullu Naleqqamiit piareersimavugut tamatuma aaqqiiffigniarnissaanut peqataanissatsinnut.

Inissiat inunnut najugaqartunut tunniuttariaqarput, taakkulu nammineq akisussaaffigilissavaat taa-valu qitiusumiit tapiissuteqarluta nutarsarnissaanut attartuinissaanut aqqtissiullugu nutarsarasu-arsinnaanngussapput. Tamanna innuttaanut akikinerusumik ineqlerneranut aqqissuissaq pisortat ingerlataanniit akikinnerusumik.

Nassuerutiginiartigu pisortat ingerlatsiniarnerat akisuallaarujuussuartoq inuit nammineq piginnittuul-lutik ingerlatsinerat tamanut akikinnerujussussoq tamannaavorli siunissamut aqqtissiorasuartaria-qarluinnartut ilaat.

Inissianik nutaanik sanaartorneq aallartittariaqarpoq alloriarneq siulleq Naleqqamiit tamaviaarute-qarnitsinni inuuusuttunut naleqqussakkanik sanaartorneq aningaasaliiffigineqarnissaa qulakkeerinnif-figisimavarput, tamannalu ingerlaqqittuarnissaa pisariaqarpoq taakkumi aningaasaliiffigineqartut siulliit ingerlaqqittariaqarput ataavartumik suliassat ingerlaneranni sumiiffinni mikinerusuni ilinniartuuteqarsinnaaneq aqqtissiuunneqassaaq sanasut, qalipaasunut elektrikerinut allanullu ilinniarfissat piulissapput suliuffiutillit ataavartumik suliassaqalernissaat ilutigalugu soorlu qangaanerusoq ukiorpassuangortut matuma siornatigut taamaassimasoq.

Namminersorneq Oqartussat inissiaataani akitigut qaffasereeqisut qaavatigut attartornermut akili-utaasartut qaffariarnerigalui sakkortuumik aatsaat akerlioqqaarluta siorna peersimavagut allaat



Naalakkersuisuusuniit Naalakkersuisooqatigisatsinniit Inuit Ataqatgiinniit oqaluffigineqaralu-arpugut inatsit malittussaagatigu qaffaasariaqartugut qaffaanissaat inunnut ilaqtariinnut ilaqtigut 800 kr angusimagaat akuerisinnaanngilluinnaqqissaarlugu qujanartumik paasineqarluta qaffaasoqarani aaqqiisoqarpoq. Kommunit ilaqt aamma qaffaasinnaagaluarlutik qaffaagatik inissipput ilaasalu kommunit illuutiminnt akiliutaasartoq qaffaaffigaat.

Ineriertorneq sumiiffinni mikinerni aamma ingerlaqqilertariaqarpoq.

Sanasut sanaartornerullu iluani sulisut amigaataapput amigaataanerat ukiuni makkunani ilutigalugu nammineq illuliassat siornatigut ingerlanneqarsimasut 95/5 atorlug inuit nammineq illuliortarnerat oqaasiinnaanngitsumik aningaasaliiffigisariaqarpoq. Utoqqatissutissarsiorluni kinguarsaqqittaria-qanngilaq, inuusuttu nammineq initarusuttut utaqqiinnarput, taakkulu taamatut periarfissinneqarunik takussavarsi sanaartussapput angerlarsimaffeqalissapput pitsasumik nunaqarfinnut isorli-unerusunut tamannut nuannaarutaassapput, meeqlaat pitsasumik toqqissisimaffiusumik angelarsi-maffeqalissapput. Ila kinguarsaqqinnagu pisariaqartinneqaqisoq aningaasaliiffiginiartigu, inatsisiti-gut toqqammavissaat ullutsinnut naleqqussarlugu aaqqeriaannaapput Naleqqamiit tamatuma kinguarsaqqittuarnera paasisinnaanngilluinnaqqissaarparput taamaammallu neriuutigeqaarput aap-pagumut aningaasamut inatsimmi ilanngunneqassasut taamaanngippat oqaasiinnaaqqissaaq taman-nalu uggnassaqaaq.

Utoqqarnut alloriarneq siullertut aningaasaliinissat taakkartorpagut aammalu ineqarnermut tapiis-sutit qaffaataagaluartoq annikillisarmassuk ineqarnermut tapiissutit utoqqarnut innarliisut aaqqik-kasuarnissaat kissaatiginaqaaq.

Utoqqarnut aaqqiinissaq pisaqariaqarluinnarpoq utoqqaat pillugit qineqqusaarutigeqqittussajun-naarlugit aaqqiiniarta ilumoorsinnaanngilarmi qineqqusaarnerit tamaasa taakku qineqqusaarutigi-neqassasut aaqqiisariaqarluinnarpugut.

Naleqqamiit utoqqarnut aaqqiissutissanik pimoorussinerput aaliangiusimavarput aammalu neriuutigeqaarput oqaasiinnaanngitsumik partiit allat tamanna aamma pimoorukkaat.

Pinngitsalisamik utoqqalinersiaqalernissamik katersitisarneq unitsittariaqarpoq sulisartut akissarsiaat ulluinnarni inuuniutigissallugu amigareersoq qaavatigut 10 %-mik ilanngartalernissaa



ornitartput sulisartunut isertitakitsunut innarliivallaarujuussuaqaaq tamannatoruna paasineqatsiarli annertoorujussuarmik innarleereersoq sui innarliivigineqaqqittussaasoq nunap inuisa pissakereersut ornikkaat.

Rusland Ukraine-mut saassussinera nioqquqtiissat akiitigut nunatsinnut malunniutingaatsiarpoq maannakkullu killilersuinerujussuaq ingerlanneqartoq qiviaraanni inuit namminneq pilersorniarnerat akueriuminaalluinnarpoq.

Inuit nammineq pilersorsinnaanerat ammaannerulaartariaqarparput sulisartut ilanngullugit. Piniag-assat killilersukkat pillugit maanna Upernavimmi qilalugartassat 83-inut qaffakkaluartut Naalakkersuisooqatigiilersut 38-inut apparniarpaat tamanna inuit nunap inuisa namminneq pilersorniarneran-nut annertoorujussuarmik sunniuteqapiluttussaavoq akuersaarneqarsinaangilluinnartoq naluneqangan-gitsutummi Upernavik sineriatsinni nunaqarfikkaajunerpaavoq. Sulisartorpassuaqarpoq sulisartut 10 %-imik pisassinneqartartut maannakkut peqataasinnajunnaartitaalerput qilalugarniarnissamut. Ila taakku aamma ilaquaqarput pilersorusutaminnik isertami saniatigut nammineq neqissaqarnikkut ilaqtaminnut aamma pilersueqataarusukkaluarput sooruna mattunniarneqartut.

Ingerlatseqatigiiffiit ikilisarnagit amerlarsaqinnejnarnerat suliaraarput tamannalu uggor-naqaaq tas-sami mittarfeqarfiiit taamatullu nukissiorfiiit ingerlatseqatigiiffinngornissaat Inatsisartunut aaliangi-iffigisassanngorlugit Naalakkersuisooqatigiit saqqummiuppaat.

Mittarfeqarfiiit aserfallatsaalialiinermut 1 milliard pallillugit pisariaqartitsipput ingerlanneqarnerminni Nuuk kangerlussuarlu sinneqartoorutaat sineriammut agguaqqittarneranni ukiumut 13 mio kr. missaani sinneqartoorutarnikut maannakkut Nuummi Ilulissanilu mittarfiliornermi ukiumut mittarfiit sinneqartooruteqassaarlutik amigaartorfiusussangorput uikiumut 76 mio kr.-inik Qaqortoq amigarto-orfiulluni ingerlasussaq suli ilanngunnagu. Landskarsip 13 mio kr. sinneqartoorutaasartut annaasai landkarsimiit amigarto-orutaasartussaasut ilanngukkaanni 89 mio kr.-imik landskarsimut ajorneru-sumik inissimalertussaavoq, taakkulu ajornerusumik inissimalertussaasut 89 mio. kr. sineriammi ilaasut akilertassagaat misissuinerpassuit suliaasimasullu saqqummiuttaarpaat, sineriammut an-galaneq akisoreeqisoq suli akisunerulernissaa siunnerfigineqarnialernera Naleqqamiit ilungersunartut isigaarput.



Taamatullu Kangerlussuaq matusussangorlugu siunnerfeqaraluarnermi ammaannassappat 160 mio kr. missaani akeqartariaqassaoq Naleqqamiit taakkartortarnikuusarput uniorpallaarneqarani saqqumiunneqaqqippoq tassalu kangerlussuaq sineriammiit onrinneqarsinnaalluni ammaannassappat tamanna ukiumut 158 mio kr. -imik akeqassasoq mittarfiup sineriammiit ingerlatsinneranut 53-mio kr.-mik akeqassasoq nalilerneqarsimalluni.

Kujataani qulimiguulimmik kiffartuusisoqarunnaassasoq taakkartuisoqarnikuuvoq taannali maannakut mittarfiliortitserneq ilutigalugu ingerlaqqiinnartussangornera ukiumut 38 mio kr missaani landskarsimut naleqassasoq.

Mittarfiliornerit nunatta aningasarsiornissaattut taakkartorneqarput iluaqutaassaqisut pillugit takorloorneqarpoq ukiuni 30-ini 700 mio kr. inik sinneqartoorfiusasut taakkunani Qallunaat Nunaat 33,3 %-imik piginneqataanerat ilutigalugu Qallunaat nunaata 700 mio. kr.-iniit 231 mio. kr. pigisussavaat taamaasillunilu nunatta ukiunut 30-inut 469 mio. kr.-inik iluanaruutigissagaa missingersiorpaat. Tassalu mittarfissuat iluanaarutaanissaat ukiumut 15,9 mio. kr. iusussaalluni.

Aap 15,9 mio. kr.imik agguaqatigiisillugu ukiumut iluanaarutaasussaq ukiunut tulliuttunut 30-ini ajunngikkaluqaqaq akerlianik landskarsimut minnerunngitsumillu sineriammut sunniutissai tupin-naannaratik amiilaarnaqaaq.

Landskarsimut aningasartuutningortussat tassaapput mittarfeqarfiiit 13 mio kr. imik piujunnaartoq qiviaraanni tassa ukiumut iluanaarutaasussaq 2, 9 mio kr-iinnaassaaq nunatsinnut iluaqutaasussaq.

Mittarfeqarfiiit ukiumut 13 mio kr-imik sinneqartoorteqarfiusarsimasut 76 mio. kr. imik amigartoortarfiulersussat ilanngukkaanni ukiumut 89 mio kr.-neqartussangortussaavoq.

Kangerlussuaq ingerlaqqinnissaanut missingersiorneqarput ukiumut 105 mio kr.imik akeqassasoq sineriammiillu mittarfittut atugassat ilanngukkaanni ukiumut 53 mio kr ilanngukkaanni Kangerlussuaq sinneqartoorteqangaatsiarluni ingerlasarsimasoq ukiumut landskarsimut 158 mio. kr-imik ajorseriaataasumik inissiussangorpoq.

Mittarfiliortitsernermut akilersinnaasusaanut kujataani qulimiguuliup peerneqarnissaanik oqalun-nikuuneq maannakkut ingerlaqqiinnassappat ukiumut tamanna landskarsimut ukiumut 38 mio. kr. missaani akeqassasoq missingersiorneqarpoq.



Taamatullu Kangerlussuarmi mittarfeqafiup innaallagiaqarnikkut il il ingerlatsiviusimasoq nukissiorfinnut atuisunullu tunniunneqartoq ukiumut katillugu 12 mio kr. missaaniittussanngorlugu nukisiorfimmut isumaqatigiissuteqarluni nalimmassaaneq aaqqineqarpoq.

Ukiumut mittarfiit sananeqartut 2,9 mio kr.-imik isertitsiffiusussat maannakkut ukiunut 30-inut naatsorsorneqarsimasut qiviaaraani 700 mio. kr.- imik taakkartorneqartut landskarsimut sunniutissai landskarsimut atuisunullu sunniutaasussat annertussusaat tamarmik katillugit ukiunut 8 mia. 910 mio. kr. iussapput. Tassalu landskarsimut ukiumut 297 mio. kr.-iussaaq 2,9 mio. kr.-imik iluanaarniarluta.

Tamakku Naleqqamiit taakartortarsimasagut teknik-pallaarnerarluta uagutsinnut uparuaataasarsimaqaat. Taakkartortarsimasagut takuniarneqarsimannngitsut maannakkullu eqqumiikkaluartumik aatsaat kisitsisai saqqummiussorneqalersut. Maanakkut saqqummussorneqartut paasi-neqalerpoq aamam taama teknik-eqartiginngitsut ila paasinaqaat.

Nioqqu tissat akikinnerulernissaat ukiorpassuanngortuni taakkartorneqartuarput, tamannalu suliap naammassinissaa qilanaarisarsimaqaarput aammalu apparsaataasinnaasunik uagut tungitsinniit taakkartuiarsimavugut.

Tamatunnga ilanngullugu akitsuutit piiarneqarnissaat pilersaarusrusiorlugu ingerlanneqassasoq tuleriaarinikullugu piiarneqassasut oqaatigsarisarsimasarput aaliangisusimavarput, taamaammat aningaasamut inatsisisamut siunnersuut ukioq mannamut suliarineqarmat kaffe, the timmissallu akitsuutaat peerneqarnissaat tamaviaaruteqarluta peerneqarnissaat peqataaffigisimavarput, tulleriaarinikkullu ingerlaqqinnermi akitsuutinik piianissaq ingerlanneqaqqissasoq ammaffigalutigu.

Maannakkut killiffik tikitarput uaniilersimasoq Rusland Ukrainimut saassunera ilutigalugu nioqqu-tissat akii qaffarujussuarnerat ima annertutigerlermat allaat inuit inuuniarnerannut sakkortuumik sunniuteqarluni inuit nerisassarsisinhaanerat killeqarpallaarujuussuarneranik kinguneqalersoq takugatigu Naalakkersuisut sakkortuumik kaammatttorsimavagut.

Naalakkersuisunut Kaammattuuteqarnitsinni tusagassiuititigut qaqlitaarereerluta Aningaasaqarnermut akileraartarnermullu Naalakkersuisoq qanoq iliuuseqarnissamik isumaqatigiinniuteqarluni saaffiginnippoq sivisujaamillu suliaareerluni maannakkut assartuinermut Royal Arctic Line 30 mio. kr-



imik tapiiffigineqarpoq olie-mut tapeq 30 % qanngerlugu inissimalersimagaluartoq maannakkut 1. september 27 % missaani inissimalersoq annkilisaaffiginiarlugu tapiisoqarluni.

Aaqqeeriarniq akit qaffarujussuartunut alloriarnerugaluartoq Naleqqamiit isumaqarpugut naam-manngitsoq, taamaammat aamma maannakkut akit akisunerujussui inissisimaneri ilutigalugu akitsuutit peerneqarsinnaanerat annguttaalaruarparput uggornaraluartumilli tamanna partiinit allanit tapersorsorneqanngilaq Demokraatit eqqaassanngikkaanni.

Neqinut akitsuut 14,7 mio. kr. missaaniittoq peertariaqarpoq neqit akii apparujussuarnisassammata tassa toqqaannaq akinut sunniuterqartartoq taanna aaqqiiffiginiarlugu neriuppunga partiit aningaasmut inatsisisamut peernissaanut peqataasinnaassasut.

2011 atugarissaarnermut akileraartarnermullu ataatsimiitaliaq sulia maannakkut ukiut kiisa 11-nillit qaangiupput suli piviusunngortinneqaratik akileraartarnikkut aaqqissusseqqissasugut oqalutoqaraluarpoq.

Naleqqamiit uagut qulanngilagut aammalu misissuisimanerpassuit aallaavigalugit atuarsimasagullu aallaavigalugit isummersorfigereerikuaagut tassalu

Inunnut ilanngaat taperiaatsillu allat tamarmik piiarlugit allaffissornaqisut allaffisornikillisaataasumik kinguneqarluartussamik aaqqiilluta akileraarut inuaqtigiinnut ajorseriaataanngitsumik akilaraarut tamanut assigiimmik 29 %-imut apparsinnaavoq.

Inuit arlalinnik suliffeqaraluarunik ilanngaateqannginnamik 29 %-imik tamarmik akiliuteqartassapput ilanngaat atorunnaarmat ukioq qaangiuttumi isertitatigut akerlaarpallaarsimaguni utertuussaasapput imaluunni akiliinikippallaarsimaguni akiligassanneqassaarneranik tamanna kinguneqassaaq taassuunatigut aamma aqqutissiuissaagut allaffissornerujussuaq annikillisarneqarluni. Tapeeriaatsit akitsorsaataaginnaratik annertuallaamik allaffissortitsineq annikillisaanissamik siunnerfiusari-aqartutut tamakku ilaapput taakkartortakkatinnut.

Nunarput imminut pilersornerulernissaa aammalu nunanut sanilitsinnut unammillersinnaangorne-runissaa kissaatigaarput, taamaammat ingerlatseqatigiiffinnut tassalu selskabinut akileraarut aparsartariaqarparput, tamannalu aamma nunarput tamaat assigiinnerusumik inissimanissaat eqqarsaatigalugu kommuninut nakkartartoq piunnaarlugu qitiusumut kisimi nakkartalernissaa



eqquttariaqarput taamaasiornikkut ingerlateqatigiiffinnut akiliutaasartoq 15 %-imut appartissinna-varput imaluunniit unammillersinnaaneq eqqarsaatigalug suli appasinnerusumut inissinneqarsin-naalluni.

Aningaasarsianik akileraarutit pillugit Inatsisartut inatsisaata allanngortinnejarnera pillugu Inatsisartut inatsisissaat siunnersuut Aningaasaqarnermut Naligiissitaanermullu Naalakkersuisup saqqummiuppa oqaluuserisassani imm. 22-tut siunnersuut ataatsimut isiginnigani aaqqiigallarnia-rneq suliarisimanera uggornarpoq ingammik inussutut suliffinnik aallartitsiniartartut eqqarsaati-galugit taakkununnga ajorseriaataasussamik suliaqartoqarnera uggornarpoq.

Siumut nutaap nutaamik taaneqarusunngitsup allatut oqartarnera tungujorpallaalersimasoq aappa-lunnerusariaqartoq uani siunnersuummi uggornaraluartumik malunnarpoq aappalunnerusariaqarneq anguniarlugu inuit nunatsinni inerisaaasut piorsaasullu aammalu kinguaariinnut kingornusisis-naanissaanut ajortumik ajortorujussuarmik sunniuteqartussatut uagut Naleqqamiit nalilerlutigu oqaatigereerparput.

Nuuk imeq atorunnaarluni ingerlatsinera peerneqarnissaa siunnerfigineqarluarpoq inuiaqatigiinnut atuisunut akikinnerusumik aammalu toqqagassat amerlanerusunik periarfissaqalerniassammata tamannalu qimarratigineqarmat, aqimarratigineqarnera Naleqqamiit ugoorisorujussuaarput.

Aasiaat sikuki habour ilaarlugu aamma ingerlateqatigiiffiliorniartoqarpoq, taamatut suaaruteqarneq inoqarfiiit allat soqutginngilluinnarlugit suaaruteqartoqarnera eqqqarsaatigilluagaanngitsoq malunnarpoq. Ila Aasianni taamatut aaqqiineq illoqarfinnut avannaaniittunut sunniutipiluutigisinnaasai innarlerneqartussaapput Qasigiannguit periarfissarpassualik innarlerneqaqqitussaavoq taamatullu Uummannaq Upernivik taamatullu Ilulissat imaannaangitsumik atuisunut ajornerusumik sunni-uteqarsinnaanera imminuinnaq eqqarsaatigaluni inissinniarneq assorujussuaq eqqarsariaqarnartoq, tamanna pillugu innuttaasunut akisunerujussuarmik sunniuteqarsinnaasoq eqqarsaatigilluagaanngit-soq neriuuppunga Naalakkersuisut ooqanngitsorsuarmik iiginnassanngikkaat parteeqatiginera peqqutigiinnarlugu.

Qujanaq.

Jens Napātôk'